



Diario



pa Aruba



Instala Aireacon-
dicionado na bo

cas AWOR!



Tel. 2170

Keho Cubano contra Merca den conseho di seguridad

NEW YORK, 5 jan. — Ajera tardi a cuminsa den conseho di seguridad y discusion dje keho Cubano contra Merca, den cual Merca a worde acusa di agresion. Presidente tabata e delegado di Republica Arabe Uni, Louffi. E delegado Mericano, Wadsworth, a declara como prome orador entre otros, cu Merca no tin miedo di nada ni e no tin nada di sconde. E acusacionnan Cubano ta falsu. Si tin algo pa spanta hende, anto ta e lidernan Cubano mes, cu ta bati alarma falso desde 6 luna pasa y a haci nan mes ridiculo liher den mundo.

Wadsworth a declara, cu Cuba a provoca e kibramentu dje relacionnan diplomatico intencionalmente. Pa casi 2 anja Cuba a expresa insulto riba insulto, te cu a jega un punto, na cual e representacion diplomatico Mericano no tabata por funciona mas. Awor gobierno Cubano a presenta acusacion- seguridad. Esaki ta un prueba mas dje politiek di provocacion cu cual nan a pone nos tuma e medida di ajera, y nan ta haciela intencionalmente, asina

Wadsworth a bisa. El a rechaza e keho Cubano como "ridiculo".
Despues e presidente a larga e ministro Cubano di Asuntunan Exterior, Raul Roa, papia. Esey a worde interrumpi cada biaha pa demostrantenan Cubano riba e tribuna publico, kendenan a jamae traidor. Pa e motibu ey e presidente a schors e reunion pa 5 minutu.
Guardianan a saca e demostrantenan for dje sala di reunion. Esaki tabata

prome bez den existencia di conseho di seguridad, cu mester a interrumpi un reunion como resultado di interrupcionnan di publico.
E ministro Cubano a acusa Merca di a prepara e demostracionnan. Despues di re-apertura dje reunion, e presidente a bisa cu tur publico lo worde saca afor, si sosode mas strobacion. El a ofrece ministro Roa su disculpacion.
Roa a ataca e "gobierno imperialista, reaccionario, Mericano, bao di direccion di Eisenhower". El a bisa entre otros cu Cuba lo sigi lucha te cu Eisenhower handona Casa Blanca y "Wall Street larga nos na paz". El a bisa cu tin intriga, soborna y presion contra Cuba pa "elimina e revolucion Cubano".
E delegado Mericano a cuminsa papia atrobe, y otro demostrantenan Cubano a grite y a fluit. Guardianan a saca nan for di sala.
E Mericano Wadsworth a recorda cu na 1959 tabata tin varios esfuerço pa ataca Panama, Nicaragua, Sto. Domingo y Haiti, tur cu apoyo dje circulanon oficial Cubano. El a bisa cu e esfuerçonan aki tabata mucho grandi pa Cuba sol y cu ta claro, cu Cuba ta hanjando su mes mas y mas den man di comunismo internacional.
El a bisa cu e keho Cubano ta masha importante pa Rusia, pa kita atencion for dje actuacion Ruso na Laos y Congo.
Cuba a bira springplank dje ambientacion Ruso na e hemisferio Occiden-

tal, asina Wadsworth a bisa. El a bisa tambe cu actividad subteraneo na e paisnan dje continente Mericano a bira e politiek oficial di gobierno di Castro.
E reunion lo sigi awe tardi.

Un mucha muhe a bebe benzine

WILLEMSTAD, 5 januari. — Un unama no por ta hasta orudente cu muchanan y asina nos a contra den hospital Sta. Elizabeth cu un mucha cu a bebe gasolin diadomingo mainta, probando di un ocasion cu e manja no tabata den cushina. E pobrecita di un anja y mei a bebe poco gasolin cu el a hanja den un botter. Su situacion no ta serio.

Bapor „Santa Rosa“ bieu ta bai mar mediterraneo

WILLEMSTAD, 5 januari. — E vapor h'cu "Santa Rosa" di Grace Line cu a haci un numero incontable di viahenan pa Corsou y a ser pone fuera servicio na anja 1958, a ser bendi na un compania griego. Esaki quier bai usa e vapor di 17.000 ton pa rutanan den Mar Mediterraneo. E vapor, aqui a subi dok na wep di Bethlehem Steel Company na Hoboken N. Y., na momento cu "Santa Rosa" nobo a drenta nabegacion. Santa Paula cu ta su ruman ta spera ainda riba un simpatizador.

"Santa Rosa" bieu a ser traha na anja 1932 na Merca pa 4 million dolar. Huntu cu Santa Paula, Santa Helena y Santa Lucia. Na principio e vaporan aki tabata haci viaje entre New York y California te cu despues na anja 1938 nan a dirigie pa Corsou. Ora cu ghera mundial II a ser proclama e tabata considera como un dje prome vaporan adecuado pa transporta trupa. Durante tempo di gera e vapor aki a transporta mas di 100.000 militar na campo di batalla.

Mientras e tambe a hunga un rol importante den Pacifico, traecamentu na Noraffrica y Sicilia y e invasion di sur di Francia.
Despues di a ser completamente restaura "Santa Rosa" a bolbe drenta servicio di Grace Line na 1947. Huntu cu "Santa Paula" nan tabatin un servicio semanal, entre New York, Venezuela, Antillanan Neerlandes y Colombia.


Interesante propaganda di Aruba den „Newsweek“

ORANJESTAD — „Andicuri na Merca tambe?“ nos a puntra, mirando den e ultimo edicion di e conocido semanario mericano „Newsweek“ un foto di un puente natural y bau di dje olanan grandi y blanco ta kibra riba e barrancanan.

Merca por wel tin su panorama den diferente forma, pero e foto cu nos a mira no ta di nan. Ta e foto di nos brug natural na Andicuri.

Bau di e titulo „The Caribbean: Palmly, Balmly Vacations in the Sun“, e revista „Newsweek“ a dedica den un articulo atencion na varios di e puntonan turistico den e area di Caribe. Ademias di otro paisnan den Caribe nan a menciona nos isla tambe den e paisnan tropical ey awendia ta e bonanza di mas grandi den e trafico di turismo 820.000 mil di e 1.5 mijon di turistas cu a sali anja pasa for di Estados Unidos a bishita e islanan den Caribe. 150.000 mas tanto cu a bishita Europa, y pa e anja aki ta ser spera cu e cantidad lo aumenta cu diez por ciento. „Pa sirbi e invasion masal aki di turistas, e paisnan den Caribe ta haci nan mes grandi den dos direccion: istanan „nobo“ ta worde desrolla y facilidanan di bsort ta worde engrandee den e istanan bieu y familiar“, asina e articulo ta sigi bisa.

„Y kiko ta nobo den e circuito di Caribe?“ ta un pregunta lanza un poco mas leu. E contesta ta bini mesora:



Prome Cardenal Venezolano Delegacion Catolica Venezolana lo bai Roma pa ceremonianan

E Comité Nacional de Peregrinacion di Venezuela ta bai organiza un viaje di un delegacion catolica Venezolana pa Roma pa asisti na e ceremonianan qu lo tuma lugar na ocasion di imposicion di capelo cardenalio na un grupo di Cardenalan nobo entre cual e prome di Venezuela qu ta Arzobispo José H. Quintero.

Ta ser spera qu bopi Venezolano lo haci uso di e oportunidad pa conoce e ciudad eterna y KLM a organiza e excursion di tal manera qu pa Bs. 3.500 por haya tur cos inclui, y esenan ta: transport aereo bai y bini (clase economica); permanencia den un hotel di primera na Roma; tres comida di categoria primera pa dia; asistencia na e ceremonianan den Basilica San Pedro; audiencia especial

cu Papa, ademias di bishitacion na otro sitios di interes na Roma.
E excursion ta sali di Venezuela dia 14 di januari proximo y ta regresa dia 25 di mes luna pero semper esnan qu bai y quier queda pa mas tempo na Europa lo por regla esei.

Un declaracion enorme i insultante

NACIONAN UNI, 5 jan. — E representante permanente di Peru cerca Naciones Uni, Carlos Mackenzie, a protesta awe contra e „deklaracion erroneo y insultante“ dje ministro Cubano di asuntunan exterior, Raul Roa, contra su pais, cualnan ta contene den e carta cu Roa a scribi Consejo di Seguridad y cualnan el a expresa durante e reunion di Consejo di Seguridad di ajera. E representante Peruano a scribi presidente dje Consejo di Seguridad un carta di protesta.

E ministronan Cubano di asuntunan exterior, Raul Roa, a acusa gobierno di Peru ajera, cu el a baha cabes pa e presion di Washington den su decision pa kibra su relacionnan diplomatico cu Cuba.

E nota Peruano a bisa cu no ta berdad. E kibramentu dje relacionnan a worde afecta „despues cu a worde comproba cu gobierno Cubano a comete delincion grave na Lima pa medio di su embahada“.

E carta Peruano a worde entrega na e ministronan di Consejo di Seguridad, cual lo tene awe tardi, pa studia e ultimo keho Cubano contra Merca.

E carta di Pedro Jose Rojas

MANAGUA, 5 januari. — Pedro Jose Rojas, ex-presidente dje federacion sindical nacional di Venezuela (CNT), kende tabata diputado dje congreso nacional den gobierno di Perez Jimenez y ta bini desterra na Nicaragua actualmente, a scribi e comision inter-americano pa derechonan humano dje organizacion di estadonan mericano (OAS) un carta, den cual e ta expresa su indignacion tocante e „desesperacion di miles di venezolano cu ta den prison y ta worde tortura pa e barbaridad bolshewique di gobernanan politico. Rojas a pidi den su carta pa forma un comision pa bishita Venezuela y constata berdad di su declaracion. Luis Reque, secretario dje comision mericano di derechonan humano, a informa Rojas cu su carta lo worde lesa pa tur hende durante e siguiente reunion dje OAS.

Esaki ta e portretinan di e cuater cardenalan nobo, cu Papa di Roma ta nombra durante e luna aki. Ta di rolez pa drechi: José Humberto Quintero, Arzobispo di Caracas; na drechi ariba: Luis Concha Cordoba, Arzobispo di Bogota; na robez abou: Giuseppe Ferreto, secretario di Colegio Santo y na drechi abou: Joseph E. Ritter, Arzobispo di St. Louis na Estados Unidos.

TRUPIALNAN TA HABRI CLUBHUIS DIA DI ANIVERSARIO

ORANJESTAD — Otro siman diabiernes e grupo hubenil „De Trupialen“ ta bira rico di un necesidad masha util. E dia aki, 13 januari nan ta recorda e hecho cu ta ocho anja pasa cu e grupo a worde funda. Pesey nan a pensa cu lo ta un bon ocasion pa tambe riba e dia aki efectua apertura di nan propio clubhuis cu ta keda den La Sallestraat, na unda tabata antes e St. Michael Jeugdharmonie.

Un programa a worde prepara especialmente pa e dia aki y di cual e apertura door di e primera dama di nos isla sra. I. Beujson-Brouwer ta e punto principal.

Mainta pa 6'or y mei lo tin un sacrificio di Misa den Iglesia San Francisco na Oranjestad, cu ta worde lesa pa Su Altisimo Excelencia Mgr. J. M. Holterman. Durante di e sacrificio di misa aki e coro di Fierenan y Trupialnan lo canta „Lauda Sion“.

Pa cuarta pa ocho e mesun mainta aki e bendicimento solemne ta tuma lugar door di Mgr Holterman sigi pa e apertura oficial door di sra. Beujson, den presenca di e.o. Gezaghbeber F. J. C. Beujson.

Lo tin discursunan, y un programa di fiesta prepara especialmente pa e ocasion aki door di e miembronan di „De Trupialen“.

PASTOOR BURGEMEESTER A HANJE SUCESSOR PA SU CHARLA

ORANJESTAD. — Despues di a bini ta ofrece for di 7 di april 1956 tur diasabra anochi cinco pa shete e programa religioso „Majan ta Dia Domingo“ via Radio Kerkboom, reverendo pastoor Burgemeester di Oranjestad lo tene e charla radial aki pa ultimo biaha diasabra awor. Esaki no kier meen cu no por tende e programa aki mas, sino cu pastoor Burgemeester a pasa direccion di programa religioso aki over pa reverendo pader D. van Lankveld, e kapellan nobo di Oranjestad.

Pader Lankveld anto lo ta e persona cu for di diasabra 14 di januari en adelante lo ta tras di e microfona di e emisora ya menciona. E programa aki ta uno den cual pastoor Burgemeester ta tene padilanti, pa medio di Evangelio y Predikashinan, com e dia di diadomingo mester worde celebra manera berdadero cristianonan.



Menaza cu cuchu

ORANJESTAD. — Un buracho, J. de C. diazorgo mainta pa diez pa diez a menaza e Portugues ey ta bendi den refregeria „La Graza cu un cuchu. E hombre prome cu esaki caba tabata haci cos fastioso y patrolla a bai eunche. E tabata bon buracho y process verbal lo worde traha.

F A T U M — Tel.: 1845 pa tur bo aseguronan

Hanja y perdi

ORANJESTAD. — Paulina Croes di Paradera 158 a banja un jabi di cas.
Creencia Orman di Arendstraat 53 a banja un lenso conteniendo un cadena di oro.
C. Cartenida di Flamingostraat 8 a perde un cartera color maron conteniendo fl. 60.— y dos pida biljechi nr. 22028.
Frederik Park di Tamarijn 3 a perde un bril di lesa cu un montura color maron.
Betty Croes di Santa Cruz 97 a perde un cadena cu un medaljon riba cual tin su nomber graba.



Un portret dje demostracionnan cu a tuma lugar algun siman pasa na Venezuela, cu a jega un poco laat den nos poder. Tabata como cuater herida ta worde carga na „man y pia“ pa un stallon di cruz roja ey banda. Ehercito porrobezi E hombre cu ta tene su stoma a caha

di hanja un tira. Su nomber ta Antonio Mogollon. Algun minutu despues el a murl. Na drechi: Un otro demostrante cu tambe a worde herida ta worde carga na „man y pia“ pa un stallon di cruz roja ey banda. Ehercito porrobezi E hombre cu ta tene su stoma a caha

ARUBA DI AWOR

- 2 -

Riba dia 12 januari 1957 e trabaunan na e construccion a cuminsa; riba dia 5 juni 1958 e fabrica a entrega e promer awa — net na tempo, pasobra e fabrica bieuw a keda asina tanto atras riba e necesidad cu den curso di 1958 nan mester a raciona e awa y na luna di mei di e anja ey tabatin reserva di awa pa solamente un dia — y riba dia 27 juli 1958 e Ministro di Finanzas Juan E. rausquin, e promotor di e proyecto, a pone e fabrica oficialmente den uso. Dia 9 di mei 1959 nan a caba cu tur e trabaunan na fabrica.

Algun cifras ta indica ki un desarrollo e industria di awa tabatin den e ultimo diez anjanan. For di 1950 te 1960 e produccion diario di 1500 m3 a aumenta te 10.000 m3 y e prijs di costo a baha for di 2.50 florin antillano te 1.40 florin antillano pa 83. Na 1950 gobiernu mester a paga acerca casi e mirar di e gastonan, actualmente ni un cent. E capacidad di aumento a subi den e anjanan cu a pasa di 6500 m3 te 80.000 m3 y e cantidad di casnan cu conexon di awa di 4500 te 10.220.

Solamente 4 cas na Aruba no tin conexon di waterleiding y esaki ta casnan cu ta keda masha leuw mes, manera e cas banda di vuortoren (faro) na Westpunt. Cu esaki Aruba tin e porcentahe di conexonnan di mas halto na mundo. E largura di e red di distribucion a bira tres bez mas hopi den e diez anjanan cu a caba y ta actualmente mas o menos 700 km. largo.

Entrada y gastonan ta balanza

E extensionan cu a worde describi den e pida anterior naturalmente a haci cu e cuerpo di ambientacion a bira mas grandi. Na anja 1953 tabatin 720 persona den servicio di e isla, di cual 282 tabata maestronan di scol. Na 1960 tabatin 903, di cual 481 ta maestronan di scol. Diezdos scol a keda construi y ensenjanza a worde mehora. Na 1953 un ambachtsschool (scol di ofishi) grandi a worde traha. Casnan pa dokter a bini

ya Santa Cruz, Noord (tur dos na 1952) y na Sabana (1953) cas pa polisnan na Balashi (1959), pa menciona solamente e construccionnan mas importante.

E promer begroting (presupuesto) di e isla ta di 1953. E tabata di un bon 12 milyon florin Antillano (aki nos mester tuma en consideracion, cu no tur e servicionan e tempo ey a worde traspadá).

E presupuesto di 1960 ta baha pa 21 milyon. Apes di e extensionan aki e gasto y entranadan tanto na 1953 como 1960 a balanza.

Turismo

Ora cu Lago a decidi na cuminsa cu un automatizacion na gran escala di e industria di refineria, a cai asina tanto retru, cu Aruba a hanja su mes confronta cu e problema di de-

a habri riba 15 di februari 1957 na e Playanan di Palmas e Hotel Basi Ruti.

Ta e gobiernu insular a duna e contribucion pa e construccion di Aruba Caribbean Hotel Casino, ora cu una vez nan a decidi pa haci Aruba atractivo pa e turistanan y saca ribahecho di e isla di turista den cara cu ta aumentando anja pa anja, alfa pa haci di esaki un fuente di entrada pa Aruba. Pa financionan di e hotel nan a funda e N.V. Aruven, di cual e territorio insular ta e accionista di mas grand. Na Venezuela Venaruda N.V. cu a worde fundá, ayunan, a moniona un parti di e fondonan necesario; otro accionistanan ta e banco, compania y comerciantenan.

ARUBA DI AWOR

Casi diez anja a pasa desde cu dr. J. Hartog, autor di „Aruba, zoals het was, zoals het werd“ a sera manuscrito di e boeki aki.

Esey tabata na 1951, dia cu nos isla a bira independiente na momento cu e eilandengeregeling a drenta na vigor. Riba peticion di e editor Boekhandel de Wit dr. Hartog a haci un examen di anjanan 1950 pa 1960. Tabata pues e anjanan di por bien bisa desarrollo tempestuoso di nos isla Aruba.

E resumen cu lo sija aki baw ta pesey un continuation di e conocido boeki, di cual pronto lo sali un segunda edicion na Hulandes, y tambe un traducion completo na Ingles.

E prome tomo di e articulo aki, skirbi pa dr. Joh. Hartog, a sali publica den „Arubaanse Courant“ di 30 di december 1960.

Riba 18 di juli 1959 e hotel, cu a costa 8 milyon florin Antillano, a habri. E Playa di Palmas, promernan aya solamente alcanzable via carretera secundaria, a worde comenca cu stad y e vliegveld pa medio di un boulevard. E boulevard aki (gastonan 1 1/3 milyon florin Antillano, mas ainda 175 mil florin Antillano pa iluminacion) a worde habri dia 1 di Mei 1958 y cu esaki tambe e parti di e costa, cual ta intencioná como sitio turistico, a keda habri.

Cultivo di berdura

Tambe pa ensancha e base economico e gobiernu insular a decidi na establece un lugar pa cultivo di berdura (Hydroponics Farm) na Paradijs na agosto 1956. Gobiernu a paga e instalacion di e farm a costa 750.000 florin Antillano y e ta worde explota y ta di huur na un partiicular.

Riba 11 di februari 1958 Princesa Beatrix a bishita e lugar aki, el a nki e promer tomati echo y asina a habri e „nutriculture Farm“ aki. E principal productonan ta tomati, komkommer, bonchi premené, peterselie y algun otro mas.

Fosfaat

For di temponan aya fosfaat tabata un producto importante pa Aruba Na fin di siglo pasa e colonia (Aruba) no tabatin mester di subsidio pa varios anja, esaki gracias na explotacion di fosfaat. San Nicolas ta gradici su acaecion na e mes explotacion aki. Na 1915 nan a stop cu e explotacion aki. Tabatin motibonan pa kere, cu e reserva di fosfaat no a caba y cu metodonan moderno y machinanan nan por explota mas fosfaat cu manera a socede den siglo diez-nuebe.

A proposito di esaki nan a funda na principio di 1960, ariba iniciativa di e gobiernu insular, e Arubaanse Exploratie en Mijnbouw Maatschappij N.V. pa asina bolbe cuminsa cu e explotacion di fosfaat. Na momen-



... minister Juan E. Yrausquin, promotor dje proyecto di awa, a inaugura e planta oficialmente ...

to cu nos ta cera e appendix (suplemento) aki e perspectiva di ningun modo ta muestra desfavorabel.

Establecimientu di industria

En preparacion ta, como un comu-nicacion na e fabrica di awa na Balashi eual a habri e posibilidad pa esaki, establecimientu di industrianan quimico y otro, na cual nan a proyecta den Spaans Lagoon un haal nobo.

Ademas di un extension pa e base economico e medidanan aki ta intencioná tambe pa crea empleo na e cantidad di obreronan, cu ta creciendo, tanto door di e aumento di poblacion como door di oportunidad menos pa hanja un trabau a consecuencia di e automatizacion na Lago.

Desarollo na Lago


Trecemento di tankeronan grandi den e trafico maritimo a haci cu e compania di zeta repetidamente mester a haci trabaunan di draga pa haci e haaf mas hundu. Tambe e pianan a worde haci adecuado pa e tankeronan grandi. Actualmente ta 33 anja pasa cu e promer tankero a drenta den haaf di San Nicolas, pero semper ainda nan ta haci e haaf aki mas grandi. Den di dos mitad di 1959 nan a haci e profundidad te 42 pia, pa cual nan mester a kita un p'ida di e rif. Den e promer anjanan despues di 1950 tankeronan te cu 26.000 ton por a haci uso di e haaf di San Nicolas, na 1960 esaki tabata te cu 50.000 ton. E cantidad mas grandi di zeta cu jamas a worde carga na Aruba tabata tempo cu na entrega 313.285 barrels (47.937 ton) na „Agrigentum“ dia 13 di juni 1960.

Na februari 1959 nan a entrega e di tres biljoen barrel.

E promedio di e cantidad di zeta crudo cu a worde refina pa dia na 1959 ta di 411.900 barrels. Entre 1952 y 1960 nan a kibra instalacionnan bieuw y a traha nobo na nan lugar, y nan a inverta mas di 40 milyon dollar den e refineria di Lago. E modificación mas importante tabata di poco un cantidad mas grandi cu mas poco instalacionnan di refina, pa cual e materialnan na promer lugar mester a worde cambia.

E undadnan di destilacion for di e periodo di 1928 pa e motibo aki a worde reconstrui y asina leuw cu door di modernizacion di e undadnan renoba nan no tabata necesario mas, nan a baha nan abau. Ademas e pregunta variable pa productonan di zeta a existi tambe cambio den refineria di e zeta. E automatizacion, cu tabata e consecuencia necesario di e modernizacion aki di e industria, tambe a trece canele cu tabatin mester di menos hende pa haci e mes trabau, o tin bisha talvez mas ainda. E cantidad di obreronan cu riba 1 di januari 1950 tabata 7817 a baha den diez anja te 5134 riba 1 di januari 1960.

Concurrencia den e regionnan, na unda e mercaderia di Lago ta keda, a forza pa un calculacion mas skerp y stopmento di varios trabaunan no-esencial, cu Lago den e promer anjanan, tempo cu hopi facilidatnan no tabata existi ainda na Aruba, pero a tuma na su cuenta y cu cual e industria di zeta mas despues, ora cu e facilidatnan aki si tabata existi door di establecimientu di comercio y industria, a keda den su poder. E cantidad di emolecionnan no-Antillano a baha considerablemente door di e proceso



Ministro Yrausquin na maart '60 a bishita e mina di fosfaat na San Nicolas.....

Tres Mericano arresta i libra na Havana

HAVANA, 5 januari. — Tres mericano, entre cual un representante dje ministerio di financian na embahada mericano na Havana, kendenan a worde arresta diamars na Havana, hanj nan libertad bek. Ningun motibu no a worde duna pa nan arresto.

Prome grupo di embahada Mericano na Cuba a jega Palm Beach

PALE BEACH, 5 jan. — E prome grupo di 76 miembro dje embahada Mericano na Havana a jega Palm Beach, Florida, awe den un veerboot. A worde declara cu no tabatin incidente durante nan salida for di Cuba.

E consul-general a declara cu tin 2000 Mericano mas na Cuba, y cu e Mericano ey no ta kere cu nan lo hanja dificultad. Sin embargo lo ta mehor si nan bai, basta cu nan no tin motibu urgente pa keda na Cuba, y tur a worde conseha pa haci tal, asina el a bisa.

E vice-consul na Havana a bisa cu ministerio Cubano di asuntunan exterior a duna e impresion cu el a keda asombra pa e ultimatum cu Castro a duna pa television, exigiendo pa e miembronan dje embahada Mericano worde reduci te na 11 den 48 hora. El a bisa cu e servicionan cubano di Cuba ta „irreconcilable“ y cu ta kere cu tur periodista cu ta na Cuba ainda, a decidi caba den cual embahada nan por hui eventualmente.

Comentario di „Le Figaro“ riba „e tesis Brazilieno“

PARIS, 5 jan. — E corant Frances „Le Figaro“ a duna comentario awe riba loke el a jama „e tesis Brazilieno“, den cual Europa ta worde acusa di no ta muestra interes pa Sur-Africa. „Brasil ta preocupa pasobra tur dia Europa ta muestra mas interes pa Africa, na lugar di Sur-America“, asina e articulo ta bisa. E ta cita e reciente declaracionnan di Augusto Frederico Schmidt, ex-embahador Brazilieno cerca e Mercado Comun Europeo, y di Juscelino Kubitschek, president di Brasil.

„Le Figaro“ ta ripiti e declaracion duro y laconico di Schmidt: „E sonrisa di Lumbumba di Kasavubu ta mas importante na Europa cu e millones di Sudamericano cu ta muri di hamber“.

„Kico Sur-America ta spera di Occident?“ asina e corant Frances ta punten. „Creditacion economico, poder, pero hopi mas tambe. President Kubitschek mek a bisa: „Un esfuerzo economico, comun, un accion colectivo pa ataca motibonan dje sub-desarollo den nan raiz“.

„Ta asina, cu solamente Occidente, y especialmente Europa, por y mester juda Sur-America pa motibonan financiero y tecnico, prome cu bira mucho laat“, asina „Le Figaro“ a skirbi.

Arturo Martines gobernador interino di estado Guerrero

CIUDAD MEXICO, 5 januari — E comision permanente dje congreso federal di Mexico a duna e gobernador dje estado Guerrero, general Raul Caballero Aburto, su onslag y a anula congreso dje estado y e institucionnan di gobierno. Arturo Martinez Adame di corte supremo a worde nombra gobernador interino.

Siman pasa tabata tin demostracion violento na Guerrero entre otros di estudiantenan, cu a acusa e gobernador di corrupcion. Algun demostrante a muri.

E comision di congreso a bisa como motibu pa onslag di Caballero Aburto, cu relacionan normal entre gobierno y poblacion di Guerrero a bira imposible.

Na Hulanda tin muchu mas JAN cu PIET

Amsterdam — Poco dia pasa NIPO, e Instituto Hulandes di Opinion Publico, a tene un averiguacion den henter e poblacion di Hulanda riba e prome number di e habitantenan.

Ta trata aki di e number di carinjo, e prome number anto cu cual e hendenan homber ta worde jama den e bida diario. E number Jan ta e favorito di mas grandi. No menos cu 1 riba cada 10 homber o mucha homber nan ora ta lamta para ora cu e number aki worde mencioná, en total esey ta mas di 660.000.

Aki baw ta sigi un lista di e nombernan di carinjo cu mas ta ser usa.

Jan	11	esey ta casi	660.000	personas
Piet	4	esey ta casi	240.000	personas
Henk	4	esey ta casi	240.000	personas
Peter	3	esey ta casi	180.000	personas
Hans	3	esey ta casi	180.000	personas
Kees	3	esey ta casi	180.000	personas
Wim	3	esey ta casi	180.000	personas
Cor	2	esey ta casi	120.000	personas
Gerrit	2	esey ta casi	120.000	personas
Gerard	2	esey ta casi	120.000	personas
Johan	2	esey ta casi	120.000	personas
Rudi (Rudolf)	2	esey ta casi	120.000	personas

Total 41 esey ta casi 2.460.000 personas

Ya cu e number Klaas ta bini voor menos cu 1/2% e alineacion aki ta sinja nos, cu di awor en adelante ta mas apropiá di papia di Jan, Piet y Henk.

Si nos parti e nombernan na personanan di abau y di ariba binti anja, anto nos ta contra cu diferencianan interesante:

Total	Bau di 20 anja	Ariba di 20 anja
%	%	%
Jan	11	8
Piet	4	2
Peter	3	5
Wim	3	2
Gerrit	2	1
Kees	3	3
Rudi	2	4



.....entranadan y gastonan ta balanza.....

Dennis, de Schrik van de Buurt



„Niet omdat ik Cowboy met hem speelde, heeft hij het recht zijn vader voor „oude paardendief“ te schelden“.
„No ta pasobra m'a hunga cowboy cune, ta quede derecho di califica su tata pa ladron di cabai“.



Mas y mas turista a bishita nos isla....

simpleo, algo riba cual nos lo papia pronto.

Pero mas cu tur cos a keda cla, empata e bida entera riba nos isla ta empapa cu e preveccionan, cu ta procede for di e industria petrolero. Pese cu e atencion pa extende e base economico e gobiernu a tuma varios proyectos na su encargo.

E promer di esakinan tabata: dirigi nan mes e turismo den Caribe, cu a tuma un adelanto grandi despues di 1950.

Nan a cuminsa traha anto, pa bapornan di turista bishita e haaf di Aruba. Llegada di e promer bapor di turista, Tradewind, dia 3 di februari 1955, a bira un suceso historico. Pa parti di gobiernu nan a organisa fiestas y recepcionnan. „Welcomettes“, mucha misionan Arubana cu pa e ocasion aki tabata bisti den un shimis especialmente traha, tabata para cla riba waf pa muestra e turistanan e camina cu nan tin di coge pa jega den e centro di compras di Oranjestad. Casi tur e antonan di e isla a coge rumbo pa baw, asina cu nos a bira hanja demoracionnan di trafico den stad y uno tabata puotra otro si e poblacion Arubana a sali pa mira e turistanan o ta e turistanan a bini pa mira Oranjestad.

Pero Tradewind, maske com pover e bapor aki cu a worde ricibi cu asina tanto fiesta tabata (na colmo poco tempo despues nan a desaprobe pa sigi haci viahanan), a habri un era nobo den historia di nos isla. Turismo a cuminsa for di fin di 1954.

Grace Line cu te na juni 1956 tabata bini Aruba cu solamente bapornan di carga, desde e tempo ey e bapor su bapornan di luho bishita Paardendief. Otro lineanan a sigi. Den e temporada di cruise e bapornan di turista di mas grandi ta bishita Aruba. Na 1956 cifranan mas promer nos no a logra obtene: 3002 estranheros a bishita Aruba; na 1959 esaki tabata 7209.

E cantidad di hendenan cu a pasa anochi den un of otro hotel den e tres anjanan aki a subi di 31.936 te 87.584. E hotelnan (nag. 349) no tabata suficiente pa e fin aki. Ch. J. Neme, cu promer caba a construi Strand Hotel,

HBU  **HBU**

Hierdoor delen wij mede, dat m.i.v. 1 Januari 1961

de heer C. M. BASTIAANSE

werd benoemd tot

BIJZONDER PROCURATIEHOUDER

van onze

ANTILLIAANSE KANTOREN

HOLLANDSCHE BANK-UNIE

Kantoor Oranjestad

Directie.

Seagram's

V.O.

CANADIAN WHISKY

„Honoured the world over“



ARUBA TRADING COMPANY

Oranjestad - Aruba

A.B.B.A. A STIPULA DIANAN DI TRAINING

(Di nos redactor deportivo)

ORANJESTAD. — Cumpliendo la meta...

Un bishia pa siman lo worde teni...

REUNION MIEMBRONAN DI SCHAAKBOND

CRANJESTAD. — E reunion coral pa miembronan di eschaakvereniging...

Fel. 1637 Roodweg 49 Bloemenhoord ROZENOOR

TA BENDE. Stoel, kashi, airco etc.

Acudi: CELCIUSSTRAAT 9 Después di 2'or p.m.

TERRITORIO INSULAR DI ARUBA

Ontvanger di Territorio Insular di Aruba ta participa...

TERRITORIO INSULAR DI ARUBA

Ontvanger di Territorio Insular di Aruba ta participa...

De hagelwite as van 'n Ritmeester...

Maar de as vertelt u niet alles. 'n Ritmeester moet u roken!

IMPORTTRICE: E. & G. MARTIJN (ARUBA) LTD. TEL. 1492-1493

Un Solicitud Matrimonial pa: Tuyuchi

No. 96. Senyor Ringwood a lamta para foi su stiel "Mi ta quere cu e mehor cos cu e por haci ta di bai Camden Place...

Especialmente en conexion cu e parti di teoria aki tur e hungador...

Ta esencial pa e hungadornan realisa importancia di e esfuerzonan...

Pastora a bolbe gana Eagle Boys

(Di nos redactor deportivo)

Pa di dos biaha den e actual campeonato masculino di softball...

E partido femenino cual lo tabata entre Nesbit y Dakota...

Esaki ta di dos victoria pa default cu Dakota ta obtene...

CAMPEONATO DI BILJART NA BISTA

ORANJESTAD. — Directiva di e biljartbond "Carambola" ya ta trahando...

Federacion Belga a pidi prestamo

LONDEN, 5 januari. — E congreso di federacionnan sindical ingles...

Ministro Kashamura a bira e humber fuerte na Kivu

LEOPOLDSTAD, 5 jan. — Anicet Kashamura, ministro di informacion den gobierno di Lumumba...

Kashamura, un dje Lumumbistanan mas determina y extremista, a anuncia cu e "gobierno central"...

Informacion di Sergio Apacion na New York

NEW YORK, 5 Januari. — Sergio Apacion, representante na New York...

Na cumintamentu di Februari mi ta spera di ta na Cuba...

Schuijmentu di terra a ocasiona destruccion na Lima

LIMA, 5 januari. — Un schuijmentu grandi di terra a destrui un pueblo...

MUSICO DILANTI SU HUEZAN. — Den e ciudad Aleman Fulda...

Oranjestad a jega Leopoldstad ajera. pa studia situacion na Congo. Na su jageda como 200 Congolese...



MUSICO DILANTI SU HUEZAN. — Den e ciudad Aleman Fulda y proceso ta na vigor contra e anterior...

Agenda

- ARUBAANSECOURANT
diarlamete cu excepccion di
diadomingo
Edita pa:
M.V. ARUBAANSE DRUKKERIJ...

WIT GELE KRUIS

- POSTSLUITING
Vrijdag
Barranquilla 15.30. Hogota 8.30 & 15.30
Caracas 8.30 & 16.00. Europa 8.30 & 15.30
Miami 8.30. New York 8.30 & 15.30.
Caracas 15.30.

RADIO KELKBOM

- 10.00 Opening
10.02 Himnos Latinos
10.30 Musica Internacional
11.00 Musica Norte Americana

RADIO VICTORIA

- 11.00 Apertura
11.15 El Mundo Feminino
11.30 Melodias di Merida
12.00 Ultimas Noticias
12.15 Musica Sagrada
12.30 World News

RADIO CARACAS TELEVISION

- 8.25 Patron de Radio Caracas Television
8.27 Informacion sobre los progr. del dia
8.30 Pucucia
9.00 El Arbolito

VOZ DI ARUBA

- 08.00 Apertura
08.03 Nos oracion di mainta

"The Lord's Prayer"
08.04 Thoughts of the day
08.05 Melodias Matinales
08.14 Thoughts of the day
08.15 Viano Auto Supply Co. brings you

11.00 Musica di awe, manjan y sempre
11.15 Manbos, Merengues y Mecerumbes
11.45 American Melodies
12.00 Muziek uit Nederland

19.00 Viano Auto Supply Co. brings you
"News in English"
20.00 Musica Popular
20.05 Musica Popular
20.10 Musica Popular
20.15 Musica Popular
20.20 Musica Popular

Rijkswacht i poliznan a cumintza accion na Brussel

BRUSSEL, 5 januari. — Rijkswacht i poliznan a cumintza un accion...

Hammarskjöld a lubida documentonan den avion

JOHANNESBURG, 5 jan. — Dag Hammarskjöld, secretario general...

Discusion di Federacion pa peticion di IVVV

AMSTERDAM, 5 januari. — Después di un reunion di directivanan...

Bustamente a pidi asilo politico Argentino na Cuba

BUENOS AIRES, 5 jan. — Ministerio Argentino di asintonan exterior...

Gabinete Belga a bolbe gana mocion

BRUSSEL, 5 januari. — Gabinete belga a gana un mocion di confianza...

CISCO KID

1. „Usa bo arma, si bo kier“.
 2. „Ungg“.
 3. E actitud cu Gronon a tuma ta laga e oronon paraliza. „Awor mi ta bai...“



JUAN EL INTREPIDO

1. „Ta Sahib Hazard. Kiko mi a haci“? No ta nada... ho no tabata sabi...“
 2. „Mientras tanto... Idiote. Ta mucho trabau pa vigila e muheran ey y e Americano? Mi ta gana di...“
 3. „Mi ta p'di bo perdon, Senegal. Nan a gana mi“.
 4. „Stuur. Behar. Anda nos tin speranza di hanti e instrumentonan... si no...“
 5. „mi kier pa bo ta banda di mi, pa mi por saka mi rabia f'ba bo...“



DICK TRACY

1. „Solamente algun luna bo tabatin cu bo a sali for di dienst, ora e accidente di auto a kita bo lei mi“.
 2. „Bo tambe tabata stima nos jue manera mi, pero bo tabata fuerte. Abo lo no a scucha ma manera ami a haci“.
 3. „Sin bo, mi ta vinti mij zwak, Johnny. Cu miedo y zwak“.
 4. „Pero abo, ta fuerte y balente. Pa proba esaki mi tin e medayanan y condecoracion y ho scopet“.



RIP KIRBY

1. „Mi a warda mucho tempo pa hanja un hende manera eke, asina ta cu mi mester sacale di aki...“
 2. „Despues cu Mona a interbeni pa Rip, e ta trata na evita mas peligro...“
 3. „Solo un cos ta keda pa mi haci, apodera di loka ta dimiti...“
 4. „Boso busca boso arma. E ora tan spera a jega“.



EL PRECIO DEL TRIUNFO

1. „Den e oficina principal di compania Boswor...“
 2. „Esta un manera di cuminsa e dia. Bo consenchi ta calma. Paula“.
 3. „Podise ta su p'canan ta haciele bin aki. Ben Hutchins. Lague drenta. Sra. Tate“.
 4. „Senjora, mi nomber ta Crain polis especial. Nos kier a pidi bo un favor excepcional...“



EL DIARIO DE UNA VIDA

1. „E Tula Mansard ey ta un hende extraño. E tin bonita cara... pero su culpa...“
 2. „Y e no ta haci nada pa remedia tampoco...“
 3. „Ya cu e no ta bai haciele pa orgullo, sikiera pa atrae e junkunanan“.
 4. „Ata e Chito Kron ey. Laga mi na paz. Chito. Bo no ta tendre?“
 5. „TULA...“



PEPITA

1. „Bo tin cu eba cu un trabau aki, prome cu bo bai cas awe, Lorenzo“.
 2. „Pero lo mi keda te meji antochi...“
 3. „Pero esei ta ora bo ta un alto empleado“.
 4. „Abo tambe ta un empleada halto“?



AGRICULTURA EUROPEO A CONVERTI NA LODO. — Pa hopi cunukero na Europa e jobida abnormally grandi di ultimo simannan un handycap particularmente grandi. No por ploeg mas cu tractornan sol; mester haci uso di cabainan tambe cu nan turno tin di hala e aparatonan aqui. Riba e portret aqui nos ta hanja un idea dje lodosal Kretjenkoog, Alemania occidental. Pero mas situacion bo ta hanja tambe na Zeeland of Friesland.

Temblor ta sagudi globo

(Tuma foi Desperta)

El alcance di e desaster a worde comproba pa piloto di aeroplano pasando riba e lugar, cuanan a informa cu cadena di montaña henter a cambia nan forma. Algun 10.000 miya cuadra, e habitacion di algun 500.000 hende, a bira un tera desola, i miles a worde mata. E temblor ei a midi 8.7 riba e escala di Richter, local ta midi un temblor pa medio di e cantidad di energia libra. E temblor na San Francisco a midi 8.25.

Dos otro temblor a acerca esei den magnitud. Un a kibra e cara di tera na Gobi di Mongolia Afo, pa nord di China, na December, 1957. Montaña a spliti i nan panto a cai. Rio a cambia nan curso, rio nobo a worde traha i precipicio grandi a habri, uno tabata 155 milla largo.

E otro, un poco mas zwak, tabata esun di Chile, na Mei di 1960, local a midi 8.5 riba e scala. E desaster ei tabata singular pasobra por lo menos cuatro golpe fuerte a dal lide. Loke hende a pensa cu tabata esun mas grandi tabata simplemente un signal di tres otro graduanan. Un hende cu a scapa a comenta: „E tera a bai bin di tal manera cu hende no por keda riba su pia. Ora mi a purba di sali for di porta dje cura, mi a haya mi bayendo patras i mi a cai abao. Mi a loer patras i a weita mas o menos diez pia di nos cura bashando den un trinchera“.

„Tsunami“

E temblor di Chile a causa ola grandi di lamar cu a plama for dje lugar di e temblor i a cama lide trabesando e lamar Pacifico henter, batiendo asina ferozmente riba Japon, Asia Sovietico, Okinawa, Isla Hawaii, Zealandia Nobo, Australia i otro camina cu algun 350 hende a perde nan bida i cientos di miles a worde laga sin cas.

Cientifico ta prefera di no yama tal ola „mare“, desde cu solo i luna no ta responsable pa nan. Algun ta yama nan „ola sismico“, i oronon ta usa e palabra japonés „tsunami“. Destructivo den eier idioma, tsunami ta hira unis halto ora nan ta acerca e tera i nan ta cama na un velocidad di mas cu 450 milia pa ora, i 50 te 100 milia largo. Prome cu un ta yega, tin un halamento enorme di awa for di tera, exponiendo e floor di lamar lagando hopi piscu riba tera secu. Anto e ola grandi ta dal, subiendone riba tera, kibrando tur cos. Algun ta subi te na 200 pia, manera esun na Alaska, den Juli, 1958. Un raport a bisa: „Awe di un boca chikito a worde bente 1800 pia halto riba un cero den un diluvio gigante, local a hiba mondi grandi cu

ne como si palo di mondi tabata palo di lucifer“.

Aumento di actividad di Assam, Mongolia i Chile tur a sosode den e ultimo diez anja ta nificante! Hopi otro parti di mundo ta informa di temblor sin igual den cincuenta anja di tempo. E revista „Scientific American“ a bisa: „Temblor grandi tabatin e costumier di sosode huntu, cada periodo di actividad tabata sigi pa un periodo di calma. Despues di 1948 nan a cuminsa un sistema nobo, cu aproximadamente un temblor grandi cada anja“.

Un científico, estudiante di temblor, a declara: „Algo ta sosodiendo na tur parti di e planeta aki local ta duro pa identifica. Forza grandi ta trahando causando desordu leu bao di tera, causando halamento di tera riba varios continente. Mas leu cu bo tabata for di e ultimo temblor grandi, mas cerca bo ta keda na esun cu ta bini“.

Kico pa haci E prome dos o tres seconde ta determina si e temblor lo ta un grandi of no. Si e prome temblamento ta fuerte i lide di manera cu cosnan ta cuminsa cai i muraya ta skeer, anto e centro di dje ta cerca bo. E siguiente golpe pronto despues lo ta diez bez mas severo. Si e temblor ta leu, e prome temblamento lo ta zwak i lo tuma mas tempo pa e aspe principal yega. Haci esfuerzo pa sali for di eya prome cu e golpe principal ta dal! Pasa tur candelu pa evita plamamento di dje. Si bo no por sali cu tempo, anto tuma e siguiente bato di of banda di mueble grandi of para den un porta cu tin kofijn fuerte. Na pia di cayo tin peligro di bashamento di tera i piedra, yama avalanché.

E peligro di mas grandi ta pasa den e prome minuut. Golpe despues no ta tanto peligroso, maske edificio danja cubu por basha abao. Desde cu sirbis di awa generalmente ta ser interumpi durante temblor duro, na unda ta posible, purba di paga candelu sin usa awa. Den lugar can'i lamar, tene cuidao cu bahamento di golpe di nivel di e awa, pasobra esei por indica biniemento di un tsunami.

Pero, tin un spiertamento di hopi mas importancia pa presta atencion na dje. Esei ta esun cu Jesus a anuncia ora el a duna e signal componi di varios cos local ta indica cu e fin di e mundo cubu por basha abao. Un parti nificante di awa generalmente ta ser interumpi den un lugar tras di otro“ (Mateo 24:7). Eseinan, huntu cu otro evidencia visible, ta marea e generacion aki como esun cu Jesus a indica lo mira Dios caba cu maldad i remplaza un sistema di cosnan corrupti cu establecimiento di e dominio di Su Reino mundialmente. Esei ta e nificacion mas profundo tras di temblor spantoso cu a sagudi e globo.

HOROSCOOP

ARIESNAN
11 Maart — 21 April



Noticia bonhoni of post por alcanza bo awe; spera un sorpresa agradable pronto.

TAURISNAN
21 April — 21 Mei



Bo tin un mehor idea di aspiracion cu bo mes ta quere. Oronon ta obliga di tuma decision.

GERMINENAN
22 Mei — 21 Juni



Cooperacion ta priminti awor mehor resultado. Bo tin razon di ta optimistica.

CANCERNAN
22 Juni — 23 Juli



Bo tin un excelente chens pa elimina un problema cu masha dia caba ta fada bo.

LEONAN
24 Juli — 23 Augustus



Bo mester domina bo mes i no tuma tur cos asina malu manera e ta parece.

VIRGONAN
24 Augustus — 23 Septembe



Den tur cos sea masha prudente den asuntunan di plannan di porvenir i conveniencianan.

LIBRANAN
24 Septembe — 23 October



Queda na contacto estrecho cu bicinjan i famianan, pasobra di nan bo por hanja ayudo.

SCORPIONAN
24 October — 22 November




Loque bo haci riba terreno financiero lo bai bon, basta bo queda n'e parti salvo.

SAGITARIUSNAN
23 November — 21 December



Bo por alcanza hopi awe; plus pone bo skouder bao di loque bo ta haci.

CAPRICORNUSNAN
22 December — 20 Januari



Cu ayudo di oronon bo por vence dificultadnan. Paga atencion na esnan cu ta den necesidad.

ACUARIUSNAN
21 Januari — 19 Februar



Esaki ta un bon dia pa trata na aumenta bo entrada. Mehora bo fuentenan.

PISCES
20 Februari — 20 Maart



Personanan di bon boluntad ta dispuesto na yuda bo cu bo problema.

Petrona & Croes
 Dakota - Tel. 1712-1639
 PA TRAHIA PLAN DI CONSTRUCCION, BESTEK Y BEGROTING